

Casares /  
Tomasene  
Larratxo  
Kultur Etxea

2025  
DK  
memoria





## CASARES / TOMASENE Kultur Etxea

Oro har, 2025 urtean erabiltzaileen hazkundera nabarmena izan zen, zentzu eta alor gehienetan, bai **DK** ikastaroetan bai jardueren eremu zabalean. Hazkundera kultur etxeak auzo mailan duen ardatz izaeraren isla izan zen. Kolektibo hauek nabarmendu beharko lirateke: euskara taldeak, **AHM**ko kideak, emakume elkarteak, auzoko bertsozaleak, literatur eta antzerki zaleak, jai batzordeak, dantza taldeak, konpartsak, danborrada taldeak, sevillanazaleak, musikazaleak, kaldereroak, etab. Beraiek dira Altzako arima.

**DK** ikastaroen eremuan igoera handia izan zen, batez ere euskarazko ikastaroetan. Aldi berean, gaztelaniazko matrikulazioari ondo eutsi zitzaion. **DK Irratia**ko ikastaroetan azken urteetako joera irauli zen eta, aspaldiko partez, ikastaroen kopurua hazi egin zen. Hala eta guztiz ere, albiste pozgarriena haurren ikastaroen esparruan eman zen, hutsetik lau ikastaro finko izatea lortu baitzen.

## ANTZERKIA KALEAN

Guztira zortzi kale-antzerki burutu ziren 2025 urtean zehar, ekainean hasi eta iraila amaiera bitartean. Ikuskizun zeharo desberdinak izan ziren eta, publiko aldetik, arrakastatsuak, eguraldia lagun izan baitzen kasu gehienetan.

Kronologikoki, **Larratxoko** jaietan **Txintxeta**, **Klipa** eta **Txorroskilok** **Txanpon baten truke** ikuskizuna taularatu zuten. Auzoko burrunbaren gainetik haurren barreak eta algarak nagusitu ziren. **Herrerako** jaietan **Txulalai** konpainiak **Mugitu zaitez** ikuskizuna aurrera eraman zuen eta, euri jasa eta guzti, hurrek eta familiek primeran pasa zuten. **Buenavista** auzoan **Zirika Zirkusek** **Marietak Zirkus** taularatu zuen eta aho zapore gozoa utzi zuen. **Oletan Tor** eta **Txoborro** magoek auzotarren txalo zaparrada eskuratu zuten **Freak Show** ikuskizunarekin. **Altzagainen** Castellongo **La Troupe Malabó** konpainiak mimika eta zirkua uztartu zituen ikuskizun berean: **Karpaty**. **Jolastokietan** **Pontx** pailazoak **Denak plazara** aurkeztu zuen auzoko frontoian ehundaka ikusleren aurrean. **Arriagako** jaietan, aldiz, bi kale ikuskizun izan ziren: **Trapu Zaharraren** **La última y nos vamos**, auzoarekin harreman estua izan duen konpainiaren agur lana, eta **Erre** konpainiaren **Superheroiak**, kiroldegiko plazan.

## POLTSIKO ANTZERKIA

Hiru poltsiko-antzerki izan ziren auzoan: **Impro** **Impar Show**, **Next** tabernan, **Jolastokietan**; **Garazi San Martinen** **Bihotz**, **bi hots**, **bi txotx**, **Herrerako Nido** tabernan; eta **Virginia** Imazen **Sex o no sex**. Goi mailako saioak izan ziren hirurak, eta saio guztietan tabernak bete ziren.

## ABESBATZEN ASTEA

Tolosako nazioarteko lehiaketa probestuz, **Svanhold Singers** suediar abesbatzak emanaldia eskaini zuen **Altzagainekoparrokian**, **Sofia Söderberg** zuzendariaren gidaritzapean.



Ertzak, Naturaldia

## ALTZAKO NATURALDIA

Maiatzaren 6tik ekainaren 12ra bitartean **Altzako XII. Naturaldia** ospatu zen. Jarduera mordoxka bat antolatu zen okasiorako, hala nola **Ertzak** irrati performancea, **Inko Martinekin**, **Saioa Royorekin** eta **Mikel Cerezorekin**, irrati-fikzioan adituak hirurak; **Egoitz Arruti** argazkilari gaztearen **Basografia**, proiektzio-hitzaldi gogoangarria; **Karlos Solana**, **DYA**ko adituaren mendiko segurtasunari buruzko hitzaldia; **Markos Sierrarekin** eta **Mikel Ubillosekin** mendi-txangoak; **La Anunciata** ikastetxeko ikerketa-proiektuen aurkezpena, **Juan Karlos Lizarazu** irakaslearen gidaritzapean; edota **Altzako mezu sekretuaren bila** jolasa **Harría** parkean, **Cristina Enea Fundazioaren** lankidetzari esker. Azken jarduera probestuz, **Altza zaindu** leloarekin apainduriko kapelak banandu ziren. Opariak harrera ezin hobea izan zuen auzo mailan eta auzo-koheziarako tresna gisa baliatu zen.

## GAU BELTZA

Azken urteetan bezalaxe, **Altzako San Martzial** plazan suzko ikuskizun ikusgarria izan zen urriaren 31n. Egun berean, auzoaren beste kokapen batean, **Larratxo K.E.**n, **El gran showman** antzerki amateur ikuskizuna eskaini zuen **Los Guachindanguitos** konpainiaren eskutik. Bezperan, urriaren 30ean, **Kuia hustuketa lantegia** egin zuen **Tomasene Liburutegian**.



*El Principito, Irrati-antzerkia*

## LITERAKTUM

Azken bi urteetan idazleen aurkezpenak bertan behera gelditu ondoren, literatur zaleak irrikaz zeuden azaroaren 14an **Ignacio Peyró** idazle madrildarraren hitzaldia entzuteko. Arrazoa: **Julio Iglesias**en biografia, ***El español que enamoró al mundo***. **Mitxel Ezquiaga** kazetariak maisuki gidatu zuen elkarrizketa.

Hurrengo egunean, azaroaren 15ean, kultur etxeko irrati-fikzio adituek ***El Principito***, **Antoine de Saint-Exupéry**ren obra, taularatu zuten **Tomaseneko** areto nagusian. Irrati-efektuak zuzenean, aretoa lepo, publikoarekin bat-egitea lortu zuten.

## GABONAK ALTZAN

**Altzako San Tomas** jaian ***Goazen! Euskaraokea*** hurbildu zen **Larratxora**. Familiak dantzan eta kantuan aritzeko aitzakia ezin hobea izan zen. Eguberrietako oporren iritsierarekin, **Iñaki Martirena “Mattin”** artista altzatarraren **Komiki lantegia** eta **Inko Martinen Irrati lantegia** gauzatu ziren.

Ziklo honen baitan, aspaldiko partez, gospel musika saioa izan zen **Tomasenen**: ***Moonfields***, XX. mendeko espiritualetan oinarritutako kontzertua, **Lide Hernando** abeslaria eta **Iñaki Miguel** piano-jotzailea aurrez aurre. Zirrarragarria izan zen.

## TOMASENE LIBURUTEGIA

Oro har, erabiltzaile kopurua igo egin zen, eta maileguren kopurua ere bai. Erabiltzaileei dagokienez, haurretan eman zen igoerarik handiena. Azpimarragarriak dira bertan burutu ziren zenbait programa, hala nola **Liburu Baby Kluba**, **Liburu Lab** edo **Ipuinaren Ordua**. Parte-hartzea handia izan zen, eta ezinbesteko erreferente bilakatu ziren. Programa hauek kalitatezko balio erantsia ematen diote **Tomasene Liburutegiari**.

Udaran, auzoko haurren aisialdia dinamizatzeko asmoz, ***Fresk-Uda*** izan zen liburutegiaren apustua. Uztailean zehar, asteartero eta ostegunero burutu zen, eta, ongi pasatzeko eta hizkuntzak ikasteko aitzakiarekin, gazte ugari hurbildu zen **Tomaseneko** areto nagusira.

**Tomaseneko** areto nagusian ere, maiatzean, ***Xerkak*** hitzaldi-erakusketa izan zen, **LGTBIQ+** kolektiboari eskainia, **Joseba Olagarai** eta **Martxel Larrazaren** gidaritzapean. Hilabete berean, **Udaleko Kultur Aniztasun Departamenduarekin** batera, jarduera desberdinak burutu ziren, horien artean ***Salsa Caleña*** dantza-ikuskizun ikastaroa.

Urriaren 23an, **Liburutegien Nazioarteko Eguna** ospatze aldera, **Patata Tropical** konpainiaren ***Tximeletak*** antzerkia antzeztu zen, haur txikiaren gozagarri. Azaroaren 12an, **Ibai Arrieta** argazkilariak ***Janela, leiho bat Gorka Urbizuren unibertsora*** proiektzioa aurkeztu zuen lehen aldiz **Tomaseneko** areto nagusian. Goi mailako pieza izan zen, maisu-lana, **Gorka Urbizuren** kontzertu-sortaren bezperan.

Urteurrenei erreparatuz, ezin ahaztu **Mikel Zabalza**ren atxiloketa eta desagertuaren **40. urteurrena** ospatzen zela. Mikel auzoko bizilaguna zen hilda azaldu zenean. Ingurumari honetan, tortura hizpide duen ***Arg(h)itzen*** filma proiektatu zen. Bestalde, erakusketa eta mahai-inguru ezin interesgarriago bat egin ziren, **Iñigo Iruin** abokatuaren eta **Paco Etxeberria** forentsearen parte-hartzearekin.

## MURALAK

**Ekialdeko Barrutiaren** enkarguz, 2025ean bost mural exekutatu ziren edo exekutatzen hasi ziren **Altzan**. Apirilean eta maiatzean, **GKO** artista tolosarrak bi sorkuntza-prozesu gidatu zituen, **Altza BHI** institutuan eta **Bidebietako Bideberri Institutuan**, hurrenez hurren.

Uztailean, **Nexgraff** artistak Altzako historia jasotzen duen mural panoramiko zoragarria margotu zuen **Arriberrii**kastetxearen azpialdeko paretan.

Urtearen azken hiruhilekoan, beste bi sorkuntza-prozesu abiatu ziren: bata **La Salle San Luis** ikastetxean eta bestea **Herri Ametsa Ikastolan**. Azken bi prozesu artistiko hauen kudeaketa bideratzeko, **SorTwo** artistak hartu zuen testigua.

## ASTE SANTUKO ETA GABONETAKO LANTEGIAK

Lantegi interesgarriak izan ziren opor garaietan.

**Aste Santuan**, honakoak burutu ziren: **Irrati lantegia**, **Inko Martin** irakasle eta **2025eko Ondas Saridunarekin**; **Kamishibai lantegia**, **Mattin** marrazkilaria eta artista altxatarrarekin; eta **Globoflexia lantegia**, ohiko begiraleekin.

**Gabonetan**, bestalde, **Irrati lantegia** eta **Komiki lantegiak** izan ziren, hurrei eta nerabezaro bidean dauden gaztetxoei zuzenduak.



Bideberri Institutuko murala

## DK IRRATIA

**Donostia Kultura Irratiak Casares-Tomasene Kultur Etxeatik** igortzen du, **FM 107.4** sintonian eta *streaming* bidez.

Berrikuntzen atalean, **DK Sessions** ekimena abian jarri zen. Bertan, musikari ezagun batek abesti bat grabatzen du estudioan, eta grabazio-prozesua jasotzen duen bideo labur batez lagunduta argitaratzen da. **DK Sessions** multimedia pódcasta da, eta bertan sormen-prozesuaren alderdi intimoena aztertzen da. Hainbat musikari ezagunek parte hartu zuten ekimenean: **Maite Larburu**, **Amorante**, **Sua Enparantza** eta **Kiliki**. Ekimenak harrera bikaina izan zuen, eta, hastapenetan izanik ere, ikustaldi kopurua oso altua izan zen.

Bestalde, **DK Irratiako** pódcasten entzule kopuruak gora egin zuen, eta irratsaioak aurreko urteetako kopuruetan mantendu ziren.

Ikastaroei dagokionez, kopurua hazi egin zen. Urte osoko bi ikastaro eskaini ziren: **Olga Granderen Crea tu propio pódcast** eta **Inko Martinen Taller de radio creativa**.

**Hamaika Entzuteko!** lehiaketari dagokionez, hamaika lan aurkeztu ziren. Aurkeztutako pódcasten maila aparta izan zen, eta irabazleekin **Ispilu Beltza** irratsaio berezi bat grabatu zen.

Lan guztiak **Donostia Kulturaren** webgunean entzungai egon ziren, urtean zehar kultur etxe desberdinetan burututako hitzaldien eta mahai-inguruen grabaketekin batera. Zentzu honetan, urrats bat aurrera eman zen, eta **Donostia Kulturaren** webguneko edukiak aberastu ziren.

## ALTZAKO BILDUMA

**Altzako Tokiko Bilduma Donostia Kulturak** eta **Altzako Historia Mintegiak** Altzako ondare dokumentala bildu, kontserbatu eta ezagutarazteko sortutako dokumentazio-zerbitzua da. Tokiko Bildumaren datu-baseak **23.881 dokumentu** zituen urte amaieran; 2025ean **674 dokumentu berri** bildu, digitalizatu eta katalogatu ziren, horietatik **425 artxibo-dokumentu**, **88 argazki**, **72 bideo** eta **75 hemerrotekako dokumentu**. Gainera, 2025ean **2.956 dokumentu** berrikusi ziren, eta funts bibliografikoaren garbiketa, katalogazio eta antolaketa lanak egin ziren.

Dokumentu horiek guztiak *altza.info* webgunearen bidez eskuratu daitezke. Bildumak hedapen handia izan zuen, eta bere aholkularitza-zerbitzua **309 pertsonak** erabili zuten. Bisitari digitalei dagokienez, webguneak **12.000 mila sarrera** izan zituen. Telefonoz, posta elektronikoz edo sare sozialen bidez **196 pertsonari** arreta eman zitzaion. Azkenik, *Estiba*s blogean **13 artikulua** igo ziren.

2025ean hiru erakusketa antolatu ziren. Hasteko, ***Ilusio galduen kronika: Altza 1931-1937*** otsailean eta ekainean **Altzako Udaletxean** eta azaroan **Tomasene Liburutegian** izan zen. Martxoan, ***Aldaketen garaian (70. eta 80. hamarkadak)*** Tomasene Liburutegian izan zen, eta abenduan, ***Altzako txokoak Galarzaren postaletan***, izan zen.



Amaia Urkiza hitzaldia



Altzatik abiatutako ibilbideak

## PLUS 55

Nahiz eta aurreko urtean baino jarduera gutxiago burutu ziren, erabiltzaile kopurua mantendu zen. **Plus 55** programa **Casares Kultur Etxean** integratutako zerbitzu gisa finkatu zen, urtean zehar adineko pertsonen artean kultura eta hezkuntza sustatzen zituzten jarduerak bultzatuz, kolektibo honen eskaerei erantzunez eta parte hartzeko interesa zuten guztiei aholkularitza- eta laguntza-zerbitzua eskainiz. Aipagarriak izan ziren, besteak beste, **Mugikorreko ikastaroak**, **Bideo-forumak**, **Antzerki amateurrak** eta Altzan zehar buruturiko **Txangoak**.

## JARDUERAK

14

**Antzerkia (emanaldiak)**  
Erabiltzaileak: 1.930

1

**Dantza (emanaldiak)**  
Erabiltzaileak: 74

3

**Musika (kontzertuak)**  
Erabiltzaileak: 268

4

**Zinema (emanaldiak)**  
Erabiltzaileak: 166

18

**Hitzaldiak eta mahai-inguruak**  
Erabiltzaileak: 758

6

**Erakusketak**  
Erabiltzaileak: 2.604

317

**Bilerak eta elkarten ekitaldiak**  
Erabiltzaileak: 7.601

164

**Liburutegiko jarduerak**  
Erabiltzaileak: 2.184

60

**Plus 55**  
Erabiltzaileak: 1.665

0

**Gaztelekua**  
Erabiltzaileak: 0

0

**Haurtxokoa**  
Erabiltzaileak: 0

0

**Bestelakoak**  
Erabiltzaileak: 0

**Guztira**  
**587**  
jarduera

17.250  
erabiltzaile

## ZERBITZUAK

59.095

bisitaldi  
**Liburutegia**

0

bisitaldi  
**Ikasgela**

0

bisitaldi  
**Gaztelekua**

0

bisitaldi  
**Haurtxokoa**

0

bisitaldi  
**KZgunea (Nabigazioak)**

349

bisitaldi  
**Altzako bilduma**

12.000

bisitaldi  
**Altzako bilduma web**

15.629

bisitaldi  
**DK Irratia web**

5.170

bisitaldi  
**Ispilu beltza magazine-podcasta**

0

bisitaldi  
**Bideo tailerra**

0

bisitaldi  
**Musikagela**

2.851

bisitaldi  
**Musika Eskola**

556

bisitaldi  
**Plus 55**

**Guztira**  
**95.650**  
BISITALDI

## PRESTAKUNTZA

Ikastaro-  
eskaintzaOsatutako  
ikastaroak

Erabiltzaileak

Emakumeak

Gizonak

<b>GUZTIRA</b>	<b>385</b>	<b>283</b>	<b>1.896</b>	<b>1.286</b>	<b>610</b>
<b>2024-2025 IKASTAROAK</b>	<b>74</b>	<b>33</b>	<b>443</b>	359	84
<b>Ikasturte osokoak (2024ko urria - 2025eko maiatza)</b>					
<b>Egile-ikastaroak</b>					
Euskaraz	0	0	0	0	0
Gaztelaniaz	0	0	0	0	0
<b>Ikastaro orokorrak</b>					
Euskaraz	39	6	62	58	4
Gaztelaniaz	33	27	381	301	80
<b>Bigarren lauhilekoko ikastaroak (2025eko otsailean hasita)</b>					
<b>Egile-ikastaroak</b>					
Euskaraz	2	0	0	0	0
Gaztelaniaz	0	0	0	0	0
<b>Ikastaro orokorrak</b>					
Euskaraz	0	0	0	0	0
Gaztelaniaz	0	0	0	0	0
<b>2025-2026 IKASTAROAK</b>	<b>84</b>	<b>39</b>	<b>482</b>	390	92
<b>Ikasturte osokoak (2025eko urria-2026ko maiatza)</b>					
<b>Musikagela, Larrotxene Bideo, DK Irratia</b>					
Euskaraz	0	0	0	0	0
Gaztelaniaz	0	0	0	0	0
<b>Ikastaro orokorrak</b>					
Euskaraz	40	14	140	104	36
Gaztelaniaz	34	23	324	272	52
<b>Lehenengo lauhilekoko ikastaroak (2025eko urria-abendua)</b>					
<b>Musikagela, Larrotxene Bideo, DK Irratia</b>					
Euskaraz	3	0	0	0	0
Gaztelaniaz	6	2	18	14	4
<b>Ikastaro orokorrak</b>					
Euskaraz	1	0	0	0	0
Gaztelaniaz	0	0	0	0	0
<b>CURSOS PUNTUALES</b>	<b>10</b>	<b>10</b>	<b>110</b>	64	46
<b>Tailer, mintegi eta masterclassak</b>					
Euskaraz	10	10	110	64	46
Gaztelaniaz	0	0	0	0	0
<b>KZgunearen IKASTAROAK</b>	<b>47</b>	<b>46</b>	<b>207</b>	76	131
<b>BESTE ERAKUNDEAK KZgunean</b>	<b>170</b>	<b>155</b>	<b>654</b>	397	257

**KULTUR ETXEETARA egindako bisitak, guztira 97.711**  
**CASARES K.E.: 37.851 / TOMASENE K.E.: 59.860**



*Itzaliko Bagina, Bertso Aroa*

9

# LARRATXO

## Kultur Etxea

2025ean zehar **Larratxo K.E.**an burututako jarduera kopurua ezohikoa izan zen. Ekitaldi hauetan artearen hainbat diziplina jorratu ziren, adibidez: haur antzerkia, amateur antzerkia, musika jaialdiak, dantza ikuskizun profesionalak eta amateurak, sevillana dantzaldiak, bideoklipen grabazioa, danborrada eta inauterietako entseguak, DK ikastaroetako ikasturte amaiera festa, eta abar luzea. Aniztasuna izan zen **Larratxo K.E.**ko programazioaren iparrorratza.

Larratxoko gune eszenikoan auzoko eragile askok beraien ekintzak garatu ahal izan zituzten. Arestian aipatutako taldeez eta jarduez gain, **ShowTime** dantza taldearen ikuskizuna, **Mintzodromoa**, auzoko eskolekin egiten den bertso saioa, **Gu ere bertsoan**, ikasleei zuzendutako zinema proiektzioak, edota **Bizkarsoro** filma nabarmendu beharko lirateke.

Ezin ahaztu Larratxo K.E.ko ikastaroekin. **Salsa eta bachata** ikastaroa lehen aldiz martxan jarri zen eta aurreko urteko gainerako ikastaroak errepikatu ziren, hots, **Baile en línea**, **Euskal Dantzak** eta **Zumba**. Dantza ikastaroek **Larratxo K.E.**an erro sakonak dituztela frogatu zen.



Lagunekin topa, Potx eta Lotx



Kutxartean, Teatro Paraíso

## HAUR ANTZERKIA

Haur antzerki programazioari dagokionez, urtarrilean hiru izarretako kutixi bat antzeztu zen guneez eszenikoan: **Teatro Paraíso**ren **Kutxartean**. Otsailean, aldiz, **Nafarroatik Ene Kantak** konpainia etorri zen Larratxo K.E.ra, urteko lehen soldout-a erdietsi zelarik. Ostera, martxoan, **Eidabe** konpainiaren **Kuku: ezkutuan dauden emakumeak**, antzezlaren txanda izan zen eta argi-itzal eta flashback joko polit batekin publikoa norbereganatu zuten.

Ikasturte berriarekin, **Didau** konpainia zarautzarraren **Hazia: bidaia handi baten istorio txikia** ikuskizuna taularatu zen haurren gozameneko. Azaroan, aldiz, **Potx eta Lotxek** hartu zuten erreleboa **Lagunekin topa** ikuskizuna taularatu. Urtea amaitzeko, abenduan, **Markeliñe** konpainiak **Zepo-Zapo** ikuskizuna plazaratu zuen, gerren aurkako alegatu ederra.

## ANTZERKI AMATEURRA

Urtarrilean **Pixkolabis** konpainiak **Puertas abiertas** antzezlana eskaini zuen Larratxoko guneez eszenikoan. Urte amaiera aldera, **Gau Beltzarekin** bat eginez, **Los Guachindanguitos** taldeak **El gran showman** arrakastatsua eskaini zuen **Larratxo K.E.**an. Abenduaren 4an **ONCE**ko antzerki konpainiak **Clarabett tu cabaret** obra oholtzaratu zuen.

## LARRATXO LIBURUTEGIA

Larratxo liburutegian irakurketa sustatzeko ekimenak bultzatu ziren, hala nola, **Ipuinaren ordua** eta **Liburu Baby Kluba**. Erabiltzaile eta mailegu kopurua hazi egin zen.

## EMAKUMEAREN ASTEA

Martxoaren 3tik 6ra **Emakume astearen 40. edizioa** ospatu zen **Elkarte Berri**, **Ostadar** eta **Uztai-Belar** emakume elkarteekin batera, auzoko funtsezko aliatuekin.

Azpimarragarria **Ausartak** antzerki taldearen **La boda de Betty Blue** eta **Naiara Arnedoren Con M de Maite** komedia barregarria. Lehen eguneko aurkezpenarekin batera, **Laura Veraren** eskutik hitzaldi interesgarria izan zen, **Eneko Goiaren** presentziarekin, une horretan **Donostiako alkatea**.



La boda de Betty Blue, Ausartak

## MUSIKA JAIALDIAK

Nabarmendu behar da 2025 urtean bi musika jaialdi gehiago izan zirela **Larratxo K.E.**ko espazio eszenikoan: **Donostia Pro-Tech Metal Fest** eta **Burdina astintzen**. Bi jaialdiak arrakasta itzela izan zuten, nahiz eta publiko minoritario batentzat programatu ziren, progressive estiloko zaletuen nahiak asebetetzeko eta euskarazko heavy maitaleen irrikak asetzeko, hurrenez hurren.

Otsailaren 15ean **XXIII. Heavy Jaia** ospatu zen. **Divine Vision** talde italiarrak erakustaldia eman zuten eta ohiko play-back lehiaketa eta giro bikaina izan zen. **Patxa** eta **Savaged** taldeek osatu zuten kartela.

Hilabete beranduago, martxoan, **XIV Euskal Metal Fest** ospatu zen. **Sauron** talde espainiarra izan zen kartel-buru eta sarrera guztiak agortu ziren.

Apirilean arestian aipatutako **Donostia Pro-tech Metal Fest** jaialdiaren lehen edizioa ospatu zen eta sarrera oso duina eta estatuko komunikabide espezializatuen laudorioak erdietsi ziren. Kasu honetan, **Fractal Universe** talde frantziarra izan zen kartelburua, eta **Lamprea** talde gipuzkoarrak kritika onak jaso zituen. Jaialdiaz harago, aipagarriak izan ziren doako masterclassak.

Hilabete berean, **Lindy Hop** jaialdia izan zen. **Crazy Jazzers** talde bilbotarrak maila ona erakutsi zuten eta zaletuek gozatua hartu zuten. Udaberrian oraindik, maiatzean, **Burdina astintzen** jaialdia burutu zen. **Asgarth** taldearen zuzeneko gogoangarria izan zen.

Ikasturte berriari hasiera emanez, urriaren amaieran **Metal Norte** jaialdia ospatu zen. **Tierra Santa** taldeak sarrera guztiak agortu zituen. Azaroan, aldiz, **Zombie jaialdia** ospatu zen eta **Zenobia** eta **Killwolf** taldeek muntaketa eta ikuskizun bikaina eskaini zuten.

Jaialdien testuingurutik at, irailean Larratxoko jai txikietan, **Peppermint Sextet** latin jazz taldea izan zen **Larratxoko plazan**. Oholtzaren laguntzarik gabe, kalean bertan egin zuten kontzertua eta giro bikaina jarri zuten.



Euskal Metal Fest

## BERTSO AROA

**XXV. Bertso Aroa** ospatu zen auzoan. Ekainean **Harria parkean** egin zen bertso saioan **Aner Peritz, Miren Artetxe** eta **Maidar Arregik** ikuskizun polita eskaini zuten. Auzoko bertso paper lehiaketaren sari banaketa egin zen okasioa probestuz.

Irailean **Itzaliko bagina** ikuskizuna taularatu zen Larratxo K.E.an. Ikuskizun berezi honetan antzerkia, bertsoa eta performancea uztartu ziren.

Azkenik, urriaren amaieran **Bertso saio literarioa** burutu zen **Tomasene liburutegian**. **Maialen Lujanbio, Miren Amuriza** aurrez aurre eta **Mari Luz Esteban** gai jartzaile gisa.

## DANTZA IKUSKIZUNAK

Maiatzaren amaieran **Sevillanak jaialdia** burutu zen Larratxo K.E.an. Azaroan, **Literaktum** zikloaren testuinguruan, **Kukai dantza taldeak** eta **Maite Larburuk Klera** ikuskizuna aurkeztu zuten **Larratxo K.E.**an. Bigarren aldia zen maisulan hau taularatzeko zena; lehen aldia **Haur eta gazte literaturaren Espainiako sari nazionala** eskuratu eta gero.

Hori gutxi balitz, abenduan, **Kresala Dantza Taldeak Hitaz Or(h)oit** ikuskizuna taularatu zuen, **Giza eskubideen nazioarteko egunaren** testuinguruan.



Sevillanak Jaialdia



Klera, Kukai & Maite Larburu

## JARDUERAK

15

**Antzerkia (emanaldiak)**  
Erabiltzaileak: 2.240

4

**Dantza (emanaldiak)**  
Erabiltzaileak: 757

7

**Musika (kontzertuak)**  
Erabiltzaileak: 1.866

1

**Zinema (emanaldiak)**  
Erabiltzaileak: 120

2

**Hitzaldiak eta mahai-inguruak**  
Erabiltzaileak: 282

0

**Erakusketak**  
Erabiltzaileak: 0

52

**Bilerak eta elkarten ekitaldiak**  
Erabiltzaileak: 2.534

67

**Liburutegiko jarduerak**  
Erabiltzaileak: 1.388

4

**Plus 55**  
Erabiltzaileak: 465

0

**Gaztelekua**  
Erabiltzaileak: 0

0

**Haurtxokoa**  
Erabiltzaileak: 0

0

**Bestelakoak**  
Erabiltzaileak: 0

**Guztira**  
**152**  
jarduera

9.652  
erabiltzaile

## ZERBITZUAK

18.664

bisitaldi  
**Liburutegia**

0

bisitaldi  
**Ikasgela**

0

bisitaldi  
**Gaztelekua**

0

bisitaldi  
**Haurtxokoa**

0

bisitaldi  
**KZgunea (Nabigazioak)**

0

bisitaldi  
**Altzako bilduma**

**Guztira**  
**18.664**  
BISITALDI

0

bisitaldi  
**Altzako bilduma web**

0

bisitaldi  
**DK Irratia web**

0

bisitaldi  
**Ispilu beltza magazine-podcasta**

0

bisitaldi  
**Bideo tailerra**

0

bisitaldi  
**Musikagela**

0

bisitaldi  
**Musika Eskola**

0

bisitaldi  
**Plus 55**

## PRESTAKUNTZA

Ikastaro-  
eskaintzaOsatutako  
ikastaroak

Erabiltzaileak

Emakumeak

Gizonak

<b>GUZTIRA</b>	<b>30</b>	<b>10</b>	<b>154</b>	<b>111</b>	<b>43</b>
<b>2024-2025 IKASTAROAK</b>	<b>14</b>	<b>3</b>	<b>58</b>	51	7
<b>Ikasturte osokoak (2024ko urria - 2025eko maiatza)</b>					
<b>Egile-ikastaroak</b>					
Euskaraz	0	0	0	0	0
Gaztelaniaz	0	0	0	0	0
<b>Ikastaro orokorrak</b>					
Euskaraz	7	1	20	14	6
Gaztelaniaz	7	2	38	37	1
<b>Bigarren lauhilekoko ikastaroak (2025eko otsailean hasita)</b>					
<b>Egile-ikastaroak</b>					
Euskaraz	0	0	0	0	0
Gaztelaniaz	0	0	0	0	0
<b>Ikastaro orokorrak</b>					
Euskaraz	0	0	0	0	0
Gaztelaniaz	0	0	0	0	0
<b>2025-2026 IKASTAROAK</b>	<b>13</b>	<b>4</b>	<b>73</b>	60	13
<b>Ikasturte osokoak (2025eko urria-2026ko maiatza)</b>					
<b>Musikagela, Larrotxene Bideo, DK Irratia</b>					
Euskaraz	0	0	0	0	0
Gaztelaniaz	0	0	0	0	0
<b>Ikastaro orokorrak</b>					
Euskaraz	6	1	18	13	5
Gaztelaniaz	6	3	55	47	8
<b>Lehenengo lauhilekoko ikastaroak (2025eko urria-abendua)</b>					
<b>Musikagela, Larrotxene Bideo, DK Irratia</b>					
Euskaraz	0	0	0	0	0
Gaztelaniaz	0	0	0	0	0
<b>Ikastaro orokorrak</b>					
Euskaraz	1	0	0	0	0
Gaztelaniaz	0	0	0	0	0
<b>CURSOS PUNTUALES</b>	<b>3</b>	<b>3</b>	<b>23</b>	0	23
<b>Tailer, mintegi eta masterclassak</b>					
Euskaraz	0	0	0	0	0
Gaztelaniaz	3	3	23	0	23
<b>KZgunearen IKASTAROAK</b>	<b>0</b>	<b>0</b>	<b>0</b>	0	0
<b>BESTE ERAKUNDEAK KZgunean</b>	<b>0</b>	<b>0</b>	<b>0</b>	0	0

**KULTUR ETXERA egindako bisitak**  
**Guztira 18.408**